



Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

**Naalackersuisunut apeqquteqaatit:**

- 1. Naalackersuisut qanoq ilillutik qulakkeerniarpaat, uagut nunatut Kalaallit Nunaanni Timersoqatigiit Kattuffiata (GIF) 2030-mi nunatut timikkut aalatitsinerpaatut siunniussaata qulakkernissaa?**
- 2. Naalackersuisut qanoq ilillutik meeqqat inuusuttullu timersornerulernissamut periarfissaat qulakkeerniarpaat?**
- 3. Naalackersuisut timersornermut politikkiat sunaava meeqqanut suli atualersimangitsunut, meeqqat atuarfianni atuartunut ilinniartitaanermilu ilinniartunut?**
- 4. Naalackersuisut Kalaallit Nunaanni Timersoqatigiit Kattuffiannut suna suleqatigiissutigaat qulakkeerniarlugu, 2018-mi Aningaasanut Inatsimmi aningaasat qaffanneqarnikut Kalaallit Nunaanni timersornerup annertusarnissaanut anguniakkamut?**
- 5. Meerartatta inuusuttortattalu pitsaasumik peqqinnartumillu inuunissaasa ilisimanninnerulernissaanut aallussinerulernissaanullu Naalackersuisut qanoq ilillutik qulakkeerniarpaat, ilisimaneqartutuut unamminerni, pissartanngorniunnermi anngunniarnernilu ingerlasoqartillugu?**
- 6. Naalackersuisut qanoq isumaqarpat, KNR meeqqat inuusuttullu anngunniunneranni peqataasanginnerannut soorlu assersuutigalugu qanittumi nukappiaqqat nivarsiaqqallu U-18 futsalernerannut?**
  - a. Naalackersuisut nutaarsiassaqartitsivinnut sukkut suleqateqarpat maani nunatsinni timersornermut soqutiginninneq siuarsarniarlugu?**
  - b. Naalackersuisut isumaqarpat inuit ataasiakkaat nammineq akisussaaffigigaat, uani aamma pineqarpoq namminneq kajumissutsiminnik suliaqartut, anngunniunnerni innuttaasut internetsillit inuillu attaveqatigiittarfianniittut kisimik takusinnaasaannik toqqaannartumik aallakaatitsisarneq?**
  - c. Naalackersuisut isumaqarpat, tusagassiuutinut tapiissutit maannakkut atuuttut naammattut?**
  - d. Naalackersuisut pilersaaruteqarpat uani qinigaaffimmi tapiissutigineqartartunik allannguisoqarnissaanik?**
    - i. Naalackersuisut tapiissutit qaffarusuppatigit, taava suliniutit qanoq pingaarnersiorniariarlugit eqqarsarpat?**



## 7. Naalackersuisut suliamut tunngatillugu paasisutissanik soqutiginaatilinnik paasisutissaateqarpat?

(Inatsisartunut ilaasortaq Anna Wangenheim, Demokraatit)

### Tunngavilersuutit

Nuanneqaaq, coronap kingorna ullumikkut nalinginnaangajattumik inooqqilersimagatta. Tamanna malugisinnaalluarparput, maanna upernariartornerani timersornikkut anngunniunnerit assigiingitsut ingerlanneqalernerini. Piffissami tassani, timip aalatinnissaa unamminerillu annertusisarmata, peqataasullu tamarmik qaammaterpassuit/ukiut sungiusareersimallutik inernerit takusinnaalertarlugit.

Uani nassuiartissallugu kissaatigaara eqqarsaatersuutaasimanersoq, qanoq takuinnariangortitsinissaq nunatsinni meeqqat inuusuttullu tamarmik anngunniuttunik isiginnaarsinnaanerit, timersuummik aallartitsinissaminnut piumasusaannut qaffassaataasinnaasoq. Meeqqat inuusuttullu imminnut nuannaartorisarput, pikkorffitik takusinnaavaat, ataatsimoornermik pilersitsisarput ataatsimoorussamillu soqutigisatik aalluttarlugit, aammalu minnerunngitsumik inuttut timikkullu ineriartornissamut kajumissusaannut qaffassaataasarluni.

Nalunngilara, pisortat aningaasaataat pagganneqartartut aammalu politikikkut akuliunnissaq minnerpaaffianiitinniarneqartartoq, peqatigiiffiit aningaasaataasa qanoq atornerannut, taakku siulersuisoqarmata toqqakkanik malittarisassatillu malillugit suliaqartunik. Isumaqarpungali, uagut politikikkut annertooujussuarmik akisussaaffeqartugut meerartatta inuusuttortattalu peqqinnerusunik aalanerullutillu inuunissaannut periarfissiinissamik pinaveersaartitsinerup aamma annertusineratigut.

Timigissarnerup aalanerullu sutigut tamatigut timikkut tarnikkullu peqqissuuneq annertusisarpaa, ataatsimooqatigiinnermik misigineq annertusisittarlugu nunagisamillu tulluusimaarinnineq pilersittarlugu. Taamaattumik pingaaruteqartorujussuuvooq uagut politikkerit soqutiginninnermik ukkatarinninnissarput innuttaasut peqqissuunissaasa sutigut tamatigut siuarsarnissaannut, qanorluunniit ukioqaraluarpata.

Demokraatit isumaat unaavoq, sunngiffimmut tunngatillugu meeqqat inuusuttullu pitsaasunik peqqinnartunillu ileqqoqarnerata siusissukkat pippat, ilinniarnissaminnut periarfissaat pitsaanerussasoq tamannalu inuit tamarmik peqqissusaannut sutigut tamatigut iluaqutaalluni.

Qulaani pineqartoq anguneqassappat piunasaqaataavoq, angusaqarusussuseqartumik politikkeqarnissarput tassungalu ilutigalugu akisussaaffippat ilisimalluinnarlugu pisortat aningaasaataasa nunatta innuttaanut iluaqutaasumik atornissaannut.

Nuannerluinnarpoq takullugu, aningaasaliissutit anngunniunnernut/pissartannorgniunnernut periarfissiinernut atorneraangata, tamakkulu Demokraatinik amerlanerujussuit takorusuppagut. Piunasaqaataavorli nunatsinni suliffeqarfinnik pilersitsinermut ingerlatsinermullu pitsaanerusunik periarfissiinissaq, taannali oqallinneq allarluinnaavoq timersornerup siuarsarneranut aningaasaliissutit qulakkeerneqarnierannut. Taamaattumik nassuiartikkusuppara, anguniakkat suut suliniutillu tassunga atasut Naalackersuisut siunniussimaneraat.

Apeqquteqaatima ullut suliffiusut qulit ingerlaneranni akineqarnissaat kissaatigaara.



**DEMOKRAATIT**  
DEMOKRATERNE